

## 43ten Assemblée Générale vun der AMET a.s.b.l.



« Association des Maîtres d'Enseignement Technique » d'AMET hat zu Dikkrich an der Hotelschoul hir 43ten Assemblée Générale ordinaire ofgehalen. D'AMET ass eng Ënnerorganisatioun vun der CGFP a vertritt d'Maîtres (Aktiver a Pensionnären) an der Formation Professionnelle am Enseignement.

Eng ganz Rei Saache stoungen an dëser Versammlung um Ordre du jour. Ugaangen ass et mat der Begréissung vun den Éieregäscht, dem M. Steve HEILIGER Generalsekretär vun der CGFP, dem M. Gil BELLING Direkter vun der Formation Professionnelle vum Ministère de l'Éducation nationale, de l'Enfance et de la Jeunesse MENJE an dem neie President vun der FEDUSE M. Raoul SCHOLTES.

Duerno gouf den neie Comité virgestallt, dee sech zesummesetzt aus dem President BETHKE Gerry, dem Vize-President ZAWIDZKI Mike, dem Sekretär HAENTGES Ralf a dem Keessjee BOCK Jean-Paul. De President Bethke Gerry huet duerch di normal Punkte vun enger Assemblée Générale gefouert, do drënner ass och een ausféierleche Bericht vun den « activités syndicales » gefall. De Sekretär huet a senger Missioun den Aktivitéitsbericht virgedroen, wou 20 Reunionen zestane koumen. De Keessjee huet säi Bilan presentéiert an e vun de Keeserevisseure gutt heesche gelooss. Dono koum de Vize-President och zu Wuert an huet de Memberen di nei Régence vun der Memberslëscht erklärt an nach eng kéier drop higewisen, dat och d'Homepage vun der Association des Maîtres d'Enseignement Technique eng wichteg Plattform fir all Maître ass, ënnert [www.amet.lu](http://www.amet.lu) kann een eng ganz Rei Infoen a Formulären sech ukucken an eroflueden. D'Gäscht koumen an der Versammlung natierlech och un d'Riednerpult a sou huet den Här Steve HEILIGER vun der CGFP hir jëtzeg Aarbechte presentéiert an ee Feed-Back vum „Accord salarial“ aus der Fonction publique ginn. Hei stinn nach e puer Punkten op, déi speziell d'Maître betrëfft a wou d'AMET a.s.b.l. mat all hire Partner nach intensiv dru schafft, fir Ongerechtegkeeten ze evitéieren. Dono koum de M. Gil BELLING Directer vun der Formation Professionnelle vum MENJE zu Wuert, hien huet der AMET ee ganz interessanten an ausféierleche Bericht iwwert „Formation professionnelle, les adaptations en cours et à venir“ presentéiert. Hei schafft d'AMET a.s.b.l. mat hire Partner och ganz eng mam MENJE zesummen an ass frou iwwert déi éischt gutt Resultater an dësem ganz wichtege Dossier. Fir d'Zukunft huet d'AMET a.s.b.l. sech als Ziel gesat, d'Formation professionnelle nach méi interessant ze maachen, d'Handwierk nach méi ze verrieden an de Lien zwëschent all de Partner an der Schoul souwéi ausserhalb der Schoul ze fleegen an ze erweideren.

Als leschte Punkt kruten d'Gäscht, d'Memberen an all déi, déi un an ëm d'Assemblée Générale mat geschafft hunn, Merci gesot. Speziell zwee laangjäreg Memberen aus dem „Conseil d'administration“, de M. Robert REISER an de M. Lucien HEMMER goufe geéiert. Als Ofschluss ass op engt lessen, wat vun de Maîtres an hire Schüler aus der Hotelschoul preparéiert gouf, invitéiert.

Bethke G.